

宋

會

要

宋會要 御酒庫

淳熙七年四月一日主管御前酒庫言元降指揮於步軍司差破兵士三十人殿前司差破兵士二十人充雜役使喚緣本庫係在內中置局若差撥廂軍竊慮冗雜不曉部轄難以憑信乞比附省馬院等處體例差破禁軍使喚遇闕依舊於逐處差填從之九年四月二十四日詔御酒麴料庫支賣新煮酒並行住罷將在棧煮蘭液酒二十萬瓶付點檢瞻軍酒庫所令本所自今每歲抱納息錢一十二萬貫供納內藏庫仍自今歲為始

法酒庫

在內酒坊專掌造供御及祠祭常供三等之法酒以給

饗祀晏賜之用以京朝官諸司使副內侍三人監別以  
內侍二人監門匠十四人兵校百一十人仁宗天聖二  
年十月詔三司所將法酒退糟入水覆壓作酒更不行  
用只令本庫依舊例支撥造醋七年四月詔法酒庫積  
壓年深煮酒三司已撥賣與在京酒戶蓋是本庫不依  
年分相兼支遣致有積壓已令三司別具條約自今造  
酒并以見在并向去要用數目約度醞造如更有積壓  
官典並劾以聞據損壞虧官價錢勒令陪納慶厯七年  
六月詔九月一日已後支新酒四月一日已後支煮酒  
並須截定月分醞造內酒坊法酒庫除供御酒許入拱  
宸門外餘供酒入內並本庫般擔入東華門由軍器庫

前崇政殿東橫門至內東門外北煩地分祇候送納至和元年六月詔應供御煮法酒及三年已上者進納入內諸祠祭法酒本庫別屋醞造務令嚴潔仍不得別有支用每支酒者除聖駕出出御前筵宴并北朝夏國進奉人使錫慶院齋筵依舊例外諸排頓并傳宣取撥去處本庫置厯差人計會使臣批鑒合用數赴庫據數支撥祇應次日却於厯上開坐元數并支過回納酒數批鑒發遣月日差人監押赴庫交割如有違犯並從嚴斷因而侵盜官物重者自從重法嘉祐元年五月詔法酒庫內酒坊麴貨仰逐處監官專切用心監轄人匠精細絡造候了隔手差官看驗如用糖心低弱其麴匠嚴

行科斷刺配遠惡州軍牢城干繫典級提舉人員亦從  
嚴斷監官劾罪以聞特行衝替神宗熙寧三年六月二  
十三日三司言勾當法酒庫陳世卿等狀每年宮觀道  
場設酌合用注酒等管勾使臣申三司下本庫支供每  
處差人返旋津般往彼祇應多作弊倖偷減移易勾收  
空瓶動經月餘破却功役乞下逐宮觀開坐一年中常  
定齋醮及非泛道場合使酒色額數目申省下本庫給  
厯令彼處上厯以瓶赴庫請領依臣僚俸酒體例支給  
如合用瓶亦具數預申省下庫支撥本處附帳省司看  
詳欲除非泛道場即令本庫依舊例供送外一年中常  
定道場等乞如所請從之奉慈觀萬壽觀後苑天章閣

延福宮廣聖宮景靈崇先觀醴泉觀集禧觀延祥觀建隆觀東太一宮西太一宮慶寧宮

### 油醋庫

油醋庫在建初坊掌造麻苧菜三等油及醋以供膳局以京朝官三班及內侍二人監有油匠六十醋匠四人太宗至道二年閏七月詔油醋庫舊退糟錢除本庫土地專典紙筆外至年終支不盡者並納入左藏庫真宗大中祥符二年詔油醋庫舊各置監官自今併為一庫減監官二人仁宗天聖元年四月定奪所言在京油麻元納油醋庫後為專典乞錢三司瓶置受納脂麻庫隔手支與油醋庫歲費萬餘石有監官副知雜役斗子八

人如法酒庫內酒坊造酒米麥皆船般緣河就倉納下  
不別置庫欲乞如例只於稅倉寄厥收貯從之

### 茶庫

太宗端拱二年八月詔茶庫所納臘面茶並令盡數收  
拾碎茶比樸補足數如欠即據數依京城價填納免罪  
淳化元年十一月詔京茶庫交茶須依省帳等等色號  
年分支遣違者許人告捉勘罪賞錢百千真宗景德元  
年四月令京茶庫今後納綱運將一色號茶年代一例  
者別庫收掌三年詔茶庫雜役兵士隸收倉指揮若須  
工役就撥應役大中祥符二年九月詔茶庫受納片茶  
各定日限看驗交納無得留滯片茶潭州大坊茶伍萬

斤限半月諸州茶五萬斤限十日三萬斤六日散茶五萬斤四日三萬斤三日臘面茶萬斤四日熙寧八年三月六日詔茶界復為茶庫事具都鹽院都茶房在順成坊掌受江浙荆湖片散茶建劔臘面茶給翰林諸司內外月俸軍食舊二庫咸平六年合為一加都字以京朝官三班內侍二人監

江湖淮浙建劔茶則歸茶庫

哲宗正史職官志云以給翰林諸司及賞齋出齋

### 內茶紙庫

內茶紙庫在右銀臺門內掌供御龍鳳細茶及紙墨之物以諸司使副內侍二人充役後廢罷

### 內茶炭庫



在景龍門內道西掌供宮城及諸宮宿衛諸班諸直軍士兵卒茶炭席薦之物以三班一人監

物料庫

太平興國三年改供備庫為內物料庫內物料庫在橫門外南廊掌供尚食及內外膳羞米麵飴蜜棗豆百品之料監官二人以三班及內侍充監門一人以三班充主秤三人掌庫六人外物料庫舊在興道坊掌給皇城外諸官院油鹽米麵之品舊曰麩麵庫大中祥符七年改外物料庫監官二員以三班內侍充掌庫一十一人兵士一十人作坊物料庫在汴陽坊掌鐵木鉛錫羽箭絳油蠟石矢鏃麻布毛漆朱等料給作坊之用以京朝

官內侍三人監舊三庫景德元年合為一太宗淳化元年十二月詔作坊物料庫所支弓弩院造箭庫逐料箭斡並令逐作預差人赴庫揀選候數足令監造使臣分擘造作如損裂不堪據數迴換自今三司不得將閑雜破損不係軍器物於物料庫送納仁宗天聖六年正月權三司使范雍言作坊物料庫所受納銅毛經年蛀蝕河陝諸州軍上京般請主彼皆不任用欲自今除在京合銷要銅毛數目於向南出產州軍置場收買送納外所有河陝京東西五路州軍即令轉運司破省錢收買應副使用右本州軍不係出產即據數預先牒隣近出差州軍及申轉運司收買應副從之神宗熙寧七年九

月二十六日軍器監言作坊物料庫皮角四場庫自來  
諸處取索應用官物並係本庫供送逐庫所管又少既  
妨支納復有退換官物在外無從關防欲乞除在內造  
作依舊供送外餘處並差人般請交領從之

### 內香藥庫

內香藥庫在橫門外南廊舊止曰香藥庫在內中天禧  
五年從今庫掌出納蕃國貢獻市舶香藥寶石以京朝  
官三班二人監真宗景德三年六月詔香藥庫今後送  
納香藥即勒行人比並近月則例不得虧損官司估定  
價錢上簿立為定額四年五月詔香藥庫監官專副得  
替更給一香食直錢大中祥符元年六月詔香藥庫用

法物每半年一赴三司比較天禧五年六月提舉庫務  
司請以皇城內東華門裏東宮南屋矩度為內香藥庫  
貯細色香藥以備內中須索從之七月詔修舊裁造院  
舍屋置庫盛貯經棟庫香藥却以經棟庫屋盛貯汴河  
南庫香藥仍從提舉司所請別立條約施行仁宗天聖  
元年四月詔經棟香藥庫與香藥庫止是香藥庫監官  
一處管勾自今令將經棟庫文帳併作一道供申仍於  
帳內立項開說八年十一月詔內外香藥庫庫其內庫  
在皇城裏外庫在城南曹利用故宅每遇支遣輪那內  
庫監官一員往彼或勾當不前致公文盜竊特派差監  
官一員神宗熙寧元年十二月十三日詔內香藥庫監

官專副得替收到出剝更不理為勞績但界內別無少  
少欠及損惡官物帳籍憑由齊整未帳入省監官與先  
次指射合入差遣若有諸色人偷侵官物及點檢不得  
整齊或帳籍憑由積滯並差人交替候官物帳籍齊足  
監官方得與往程差遣專副別與勾當其監門使臣兩  
次搜獲偷官物與家便差遣專副別與勾當其監門使  
臣三次以上與先次家便差遣如兩次透漏官物估價  
不及十千差人衝替若出入官物不盡時抄上及差互  
透漏估價十千以上不以度數並根勘以聞與降等遠  
地差遣如又係兩次透漏者候歸班日委三班院將衝  
替與降等遠地差遣比較從一重差使景德四年三月

至道無七年  
此七年六月十二  
月兩條與職  
官門同而職  
官同列大中  
祥符五年  
後俟考

詔杭明廣州市舶司般犀牙珠玉到京並納內藏揀退  
者納香藥庫諸州香藥亦以細色納內藏次者納香藥  
庫如香藥庫收細色香藥供內每季計度支撥

甲庫

吏部甲庫太宗至道三年十二月詔吏部甲庫許置院  
子一人月給錢於祠部錢內支七年八月詔官告院應  
中書送門下擬官奏狀並送甲庫依黃甲例收管準備  
諸處會問十一月詔今後廢置司應收到事故合廢置  
選人官告文字並畫時當廳批鑒牒送刑部毀抹

宋會要

雜物庫

雜物庫在宣義坊掌受納外雜輸之物以備支用以覈  
器庫監官兼領 真宗景德四年十二月詔雜物庫所  
支紙除聖旨取索外其使臣勾當公事取紙者須先奏  
聞得旨方得供付大中祥符七年十月詔歙州造表紙  
委官吏鈐轄工匠盡料製造構碓熟白知州職官看驗  
受納 神宗熙寧三年三月十四日詔併在京覈器藥  
密兩庫入雜物庫留藥密庫官一員管勾雜物庫官別  
與合入差遣 雜輸之則歸雜物庫

並宋正史  
職官志同

大軍庫

嘉定五年三月二十八日詔湖廣總領所於鄂州大軍

庫取撥銅錢一萬貫銀一萬兩及於江陵府大軍庫取撥會子二萬貫各就本庫令項椿管 六年五月十二日潼川府路運判孟浩言本司紹興五年運判張澈申奏朝廷以趙積到錢一十萬緡椿充備邊蒙降指揮下制置司令常切點檢不得妄有支破緣後官丁逢點檢得其錢元係椿發糶本窠名却一時改作備邊名目遂申朝省行下四川總領所改正撥還糶米椿管今契勘本路州軍如瀘叙長寧控扼西南諸夷若言水旱則糶本固不可無儻或緩急則備邊亦非細事兼本路漕司名為轉餉除每歲四川總領所科撥人戶納絹估錢二十五萬餘貫合行拘催買發綱運去歲偶值豐稔應副



諸州歲計外除已補足前來糴本錢二十萬貫嘗具申  
奏外今又積到一十萬緡亦行置立別庫樁管擬充備  
邊之用乞下本司日後非緣邊事不得侵動分文後官  
連相交承如或用過即行補足庶幾本備邊二者不致  
偏廢詔令四川制置司常切點檢不得妄有支破餘依  
已降指揮 七月二十二日戶部言權發遣湖南提刑  
兼權提舉馬大同奏在法諸庫倉監專同封閉并押記  
鎖封掌鑰以長官紹興十八年閏八月四日從廣西提  
舉路彬申請將州縣見管常平司但干錢物州委知通  
縣委令丞同共管幹每十日一次躬親點檢而今州縣  
長官例皆推而遠之輒以赴鑰付之監官主管而又

復躬親點檢遂令各干人恣為姦弊臣除已遵用前項  
條旨行下所屬州縣將今來已點檢到常平糴米本錢  
的實見在之數別作一庫另項樁管不得與坊場減免  
役等錢交雜其本庫匙鑰仍從長官依條專自掌管旬  
行點檢無容合干人非時以放支別項官錢為名妄請  
匙鑰並緣侵盜更有文歷亦合別行起置若去後差官  
點檢則擇其凡目按以從事如數一二曉然易見庶幾  
臨期免致闕悞從之

### 皮角場庫

皮角場庫在顯仁坊掌受天下骨革筋角脂硝給造軍  
器鞍轡毯舊一場三庫景德三年併三庫為一庫先

是雍正四年於都亭驛遣內侍部匠造紅韁後隸北作坊至是亦併此庫又有椿水牛皮筋庫別置監官其年亦省令此庫官兼長以京朝三班內侍二人監又以三班一人監門

### 專副庫

專副庫紹興十五年三月二十一日詔場務庫所管專副庫樞多是將錢物移易侵欺盜用其監臨官吏漫不加省已降旨官吏不覺察徒二年本犯人止係杖罪或不至徒二年之人其不覺官吏亦科徒二年之罪十九年七月二十七日監察御史章復言竊見州縣凡輸納財物不即時入庫而有所謂外支故專庫等人致有侵

欺擅用欲望督責監司守臣覺察杜絕到廊外支獎詔  
令戶部施行二十一年十二月三日臣僚言竊見場務  
府庫專副庫樞盜用官物監臨官吏不覺察徒二年推  
原其情若贓物數多犯人罪抵極刑或至流配監臨官  
吏處以徒罪不為過矣然其間有犯人罪不至徒而監  
臨官吏亦處徒刑則不覺察之罪乃重於自犯欲望令  
有司於續降指揮內官吏不覺察徒二年字下添入若  
犯人罪輕者與同罪詔令刑部看詳申尚書省其後刑  
部言今看詳欲依臣僚奏請所犯罪輕刑名不至徒二  
年之人其覺察官吏並與所犯人同罪依條斷遣從之

大觀庫

大觀庫大觀二年三月二十三日中書省尚書省言今具去年九月發運司錢共五十五萬九千八百餘貫勘會今來綱運直達其錢發運司無用詔並起發上京赴大觀庫送納

文書庫

真宗景德三年八月詔金耀門文書庫差三司軍大將二人充專副月給食錢二千四年三月詔三司捉到盜案帳要切文書不以當職不當職人吏並決配吏人雜閑慢文字亦勒停監門獲盜者等第給賞文書庫軍事人吏通同盜出貨賣許人陳告杖配買人知情與所犯分首從斷決三司吏如的要文字照會者本判官押帖

借取置厯抄監官開庫檢尋封付本判官處呈驗十日  
內還庫其文字並依部分架閣每夜輪專知官一人押  
宿大中祥符四年十一月詔文書庫分三部各房架閣  
文字逐案異架一一交點鎖鑰納三司使處如非時人  
吏私檢文帳即行嚴斷天禧二年八月三司定奪減省  
文字所言乞自今應係已磨勘過諸般未發憑由一時  
封送金耀門文書庫收管仍乞截自今據逐旋磨勘在  
京府界倉場等處界分應帳憑由文旁令逐手分於每  
卷上批鑿庫務名目某年月憑由道數寫簽帖封記印  
押訖每令手分供寫單狀輪差後行一名取索單狀照  
證收掠憑由置厯開說合封送庫務名目憑由年月道

數都計幾束般載於金耀門文書庫交割架閣本庫官  
吏歷內批鑿收領著字押歷委一通轉都大東數簽押  
準備結絕界分之時刻刷照證只於結絕檢內聲說申  
奏及今文書庫依例置板簿取三司印押給付抄上憑  
由數目準備諸處非時取索使用仍今後專副得替依  
例交割不得輒有損壞散失其應帳憑由文字等今後  
更不許於府司并諸庫務送納從之神宗熙寧二年閏  
十一月二十三日三司言金耀門文書庫見收盛三司  
自太平興國以來諸般帳案欲乞差官兩員往本庫與  
監官重別編排置簿拘管架閣準備使用詔可仍三司  
選官奏差

宋會要 藥蜜庫

在宣義坊掌糖蜜藥物供馬以京朝官二班三人監管  
太宗淳化五年三月詔藥蜜庫今後諸州交納到藥蜜  
其盛貯物若本處明有公文稱是納人自備者即時給  
付真宗景德四年八月詔藥蜜庫支諸班軍馬藥每  
馬上槽時將樣逐月一次上殿進呈訖散大中祥符七  
年三月詔自今藥蜜庫只差京朝官各一員監掌其監  
官專副一平一替候支滿底別無少欠即監官發遣  
歸班七月詔自今處吉州南安軍納糖以五萬斤為一  
綱交裝之時須長吏對拜入籠封記付管押吏仍具無  
夾蒂稀嫩汁滓狀上三司每籠以百斤為準如欠數即



令官吏均償若管押吏不切點檢損動封記即於管押  
吏催理其藥寮庫監官須折籠秤數不得傲倖納下椒  
汁者如已後虧惡即於本庫剝納虧官錢神宗熙寧三  
年三月詔併入雜物庫仍留本庫官一員專管

宋會要

元中庫

職官志神宗元豐四正月十八日中書門下言司農寺  
狀元豐庫已下手興修詔非久官制成就其司農寺  
見主錢穀自當移治戶部等處其上件庫屋可更不消  
修置所有諸處起發到錢帛宜止於內藏或左藏庫收  
寄其已立木令修蓋了當未曾支用木植宜令撥與提  
舉修蓋景靈宮諸神御殿五年三月十一日詔司農寺  
趣諸路提舉司起發常平拜坊場積剩錢五百萬緡輸  
元豐庫十月二十五日詔戶部右曹於京東淮浙江湖  
福建十二路發常平錢八百萬緡輸元豐庫七年二月  
二十八日戶部言見緡不多請發諸路積剩錢百萬緡

置物貨輸元豐庫變易見錢以備費用從之

宋會要 元豐 庫

五月十一日詔以元豐北庫為司空呂公著厝宇其封  
椿錢物併就南庫以元豐為名專主朝廷封椿錢物  
六年九月二日詔自元祐六年每歲於內藏庫支緡錢  
五十萬致以絀絹金銀相無支先赴元豐庫樁管補助  
沿邊軍須等支費職官志紹聖元年十一月十七日戶  
部言諸路欠上供錢帛而朝廷展限者其數甚多願以  
元豐庫錢代支而會上供之數還元豐庫上謂宰相章  
惇曰國家須為長久之策何宜迫急如此宜講求之三  
年四月四日詔元豐庫監官自今差承務郎以上親民

人元符二年五月二十一日三省言按紹聖四年六月十五日指揮諸路折斛錢熙寧年並歸朝廷自元祐以來戶部陰有侵用不復更歸朝廷無慮二百萬緡緣係本部已前使用過數難責今日併償詔將元祐年折斛錢除戶部的實已支過錢數與免撥還外有其餘數目并紹聖年所起折斛及提舉司允羅過斛斛價錢並仰元豐庫拘收封樁準備朝廷支使如戶部輒敢侵用並依擅支使朝廷封樁錢物法

宋會要 元中

徽宗崇寧元年十一月二日詔諸路起發年額坊場錢名人入境便雖省縻費常有積壓不能盡起可依元豐

庫所申難同權貨務便錢從戶部請也十二月四日尚書省言諸路見椿管錢朝廷及省曹諸司金其甚多逐縣即無支用詔令戶部指揮諸路諸司將諸縣應見管金數並盡數發赴元豐庫送納三年正月二十七日尚書省白劄子勘會見今戶部改鑄得當十錢六十萬貫計折小千錢六百萬貫欲將三百萬貫復還戶部即本部比之每年所得之數尚有增收錢一百六十萬九千六百貫文外將二百萬貫赴內藏庫送納餘一百萬貫赴元豐庫封樁應副朝廷支用從之欽宗靖康元年二月十七日詔取諸路公使庫神霄宮所管金銀器皿赴京師元豐庫送納六月五日詔籍到在外田宅房廊舍

逐路轉運司召人承買其價許兼用金帛隨處實價估  
折所屬給據與沿達商稅力勝限日赴元豐庫送納乞  
給鈔交業

宋會要 元祐庫

哲宗元祐三年正月九日詔改封樁錢物庫為元祐庫  
隸尚書省左右司二月七日詔江南東西荆湖南北福  
建成都府梓利夔路元祐二年已前封樁錢物召人入  
便或計置金帛發赴元祐庫

宋會要 物庫

朝服法物庫太平興國二年置分三庫一在大慶殿後  
一在右掖門內北廊一在正陽門外西廊掌百官朝服

諸司禮衣儀仗以諸司使副使三班內侍三人監真  
宗大中祥符六年九月詔朝服法物每祇應禮畢有損  
缺者即時申報修飾仁宗天聖七年十二月二十七日  
詔每遇大禮諸軍及行事官從人等於朝服法物內衣  
物新衣庫支借出法物衣儀注衣服等自今後禮畢日  
諸軍諸司職掌并太常樂部並限五日餘限十日送納  
如違限及損壞官物者令本庫檢舉八年八月詔朝服  
法物內衣物新衣庫自今大禮除諸司職掌係應奉祀  
事及儀仗內祇應人合請儀注衣服其從人諸色  
人等並不得支借衣服如有違犯閤門御史臺覺察以  
聞

宋會要

南郊家事庫

南郊家事庫在玉津園後景德四年置掌南郊家事以本園官兼領嘉祐八年詔玉津園南郊庫別差監官專知官手分庫子專管勾神宗熙寧五年詔玉津園南郊庫差本園使以兼管勾係將作監提轄宣德門家事庫三庫一庫在內前御街西面二庫在樂臺坊街北面掌南郊所用家事監管二員以登聞鼓院監門官兼領

宋會要 孝宗皇帝

慶曆四年二月三日遣內侍齎奉宸庫銀三萬兩下陝西博羅穀麥以濟飢民神宗熙寧元年十月十六日入內侍有言奉宸庫珠子已鑽串緒裏都二十五等



樣計二千三百四十三萬六千五百六十九顆詔入內侍省候有因便勾當內臣附帶與河北沿邊安撫都監王臨就被估價分擘與四權場出賣或折博銀其銀別作一項封樁準備買馬 奉宸五庫在延福宮內舊名宜聖殿五庫一曰宜聖殿內庫二曰穆清殿庫三曰崇聖殿庫四曰崇聖殿受納真珠庫五曰崇聖殿樂器庫康定元年九月合為一改今名仍鑄印給之掌內中所降金銀珍寶及舊所藏祕備內中須索以入內內侍二人監入內都知一名提點

宋會要

封樁庫

淳熙四年八月二十一日以大府寺改造封樁庫是年

五月詔以封樁庫窄狹令兩浙漕臣踏逐近便空閑地或官司屋宇移置如有干礙民民去處同臨安帥臣詳議以太府寺基與封樁庫連接遂以寺基建庫屋凡一百間 淳熙十六年十一月十九日提領封樁庫岳霖言照對封樁庫截日終有管經常會子四千八百八十三貫五百文度牒會子三百六十五貫八百文糴米會子一百三十萬貫除竅未支豐儲等倉糴米會子約計八十萬貫外見在止有五十萬貫照九月分總支過會子三十餘萬貫十月分支過會子五十餘萬貫每月不下支遣會子四五十萬貫今來本庫所管已是不多取索到左藏西上庫狀昨來毀鑿過第七界會子并封樁

庫供到截止今年九月終毀鑿過務場破損第七界會  
子共二十三萬八千八百四十八貫九百文欲乞指揮  
對數印造第七界會子補填已截數目發入經常曆內  
椿管應副不測支遣從之紹熙元年十月二十五日封  
椿庫申金元管七十九萬九千七百四兩秤盤虧四千  
一百七十三兩銀元管一百八十六萬八千七百二十  
九兩秤盤虧六千三百四十五兩大理寺申勘到專知  
官胡彥材等共盜過金官會共約計一十四萬二千七  
百三十九貫四百文已抄估各人財產出賣并根括到  
金銀共約四萬八千餘貫詔封椿庫已秤盤并拘收到  
及見管金銀錢會實數於曆內分明開項收附日後監

專督移仰照曆尾見在對行交割同街具狀申提領所  
保明申尚書省大理寺見拘椿金銀錢會日下發赴封  
椿庫拘收椿木賣家業等令未所催促出賣拘錢發赴  
本庫紹熙二年正月十八日詔封椿庫自紹熙二年為  
始將御前犒軍會子依淳熙十五年例每年椿辦四十  
五萬貫分作四季各於孟月赴內藏庫供納二月十四  
詔禮部給降度牒一千道付封椿庫委提領官措置出  
賣仍不拘官民戶及僧道童行聽從便請買每道價錢  
七百貫文許用銀會中半入納內銀依市價細計餘依  
節次已降指揮其賣到銀會並就本庫椿管開禧元  
年三月二十六日臣僚言臣聞孝宗創立封椿庫非以

自奉亦非以供雜費蓋亦遠遵藝祖景福內庫之遺意  
專以為軍旅之備也今封樁之數比孝廟朝所儲之數  
不甚相遠然向者孝廟創之於本無之中今豈不能增  
之於既有之後耶迺者臨安及浙漕兌借皆未免支撥  
封樁至如救火軍兵支犒數目不多亦於此乎取之若  
此之類竊慮可惜欲乞上體藝祖暨我孝廟之規專務  
節用以實封樁明詔國用司分別窠名入封樁上下庫  
將上庫錢物一毫不支以備緩急謹守固執自然豐裕  
如犒軍及修軍器之類稍加撙節止於下庫支遣所有  
新賣度牒新造會子之類並依國用司斟量撥入上庫  
此蓋自治之一端從之

宋會要

封樁庫

紹熙元年十月二日提領左藏封樁庫所言昨來置庫之初以三省門内地步窄狹遂取舊太府寺安頓見錢目今號為下庫壁落疎漏全無闕防兼與上庫相去隔遠官吏不能專一監臨竊見左藏西上庫自舊收掌朝廷封樁錢物欲將上件封樁見錢徙入樁垛仍乞將西上庫自以左藏封樁下庫為名其元撥隸戶部主管錢物且依舊案名從本庫撥與戶部度幾不妨經費詔依其合行事件今提領官沈詵疾遽具申尚書省二十三日戶部言昨準淳熙十年八月二十四日提揮左藏南庫撥隸戶部所有本庫以後合收支錢物仰戶部並照

應項目依數管認續承淳熙十二年正月三日指揮左  
藏南庫可併作西上庫其管認收支及椿管錢物並令  
依舊令承紹熙元年十月二日指揮封椿見錢從入西  
上庫椿架將西上庫以封椿下庫為名其元發戶部主  
管錢物且依事窠名從本庫撥與戶部本部竊詳昨來  
南庫撥隸戶部生下項目令戶部管認總收州軍等處  
合發窠名錢一百九十八萬一千六百四十一貫二百  
七十七文見以戶部主管西上庫所為名行遣拘催今  
既改名封椿下庫椿管朝廷錢物隸屬提領所難以仍  
舊以戶部主管西上庫為名稱呼其元撥戶部錢物窠  
名亦難以從封椿下庫撥與戶部竊慮吏撥錢物迂枉

兼恐軍發納疑惑欲乞將西上庫元撥戶部窠名錢物撥入左藏東西庫從本部令作一案拘催收夫行道庶幾不致混雜詔將昨來南庫撥隸戶部錢物并應合椿辦行遣等事令作一案掌行仍徭於封樁下庫管收支施行紹熙元年十一月二十九日戶部言左藏封樁下庫申檢準淳熙十年十一月八日指揮南庫撥隸戶部泛收項目內坐下鎮江建康府等處沙田錢係通年戶部先於南庫借支二十三萬貫所以將上件納到錢數拘收理還本庫今來改作左藏封樁下庫所是支過紹熙元年分沙田錢二十三萬貫應副左藏西庫支遣了當合從省部照通年體例備申朝廷創下鎮江建康府



路各將今年正月一日至截日終收到江東淮東路州  
軍并本府民戶沙田先次盡數差官押發赴庫送納其  
日後至年終收到錢數亦仰接續起發從之嘉泰二年  
十二月十三日提領左藏封樁庫所言本庫係乾道六  
年內承降指揮於都省門內起蓋庫屋專一樁管朝廷  
錢物緣當來一時倉卒蓋造今來年深朽爛目今諸庫  
盈滿亦無添蓋庫屋去處欲展激賞庫三省樞密院客  
司房并紙庫樞密院大程將房取直修蓋却將大門外  
兩壁挾屋仍舊充激賞庫三省樞密院客司房等處詔  
令封樁庫支降會子一萬貫奏提領官同兩浙漕臣指  
置修蓋 開禧二年七月三十日臣僚言選人監左藏

及封樁庫既本職各有專立賞格不許攀援監專二年  
為界格法須管依條二年滿替無遺缺方許陳乞任滿  
轉官酬賞從之嘉定七年二月三十日監三省樞密院  
門兼提轄封樁庫楊恕言照得提轄左藏東西庫任滿  
推賞合轉一官在任改除計日推賞其封樁上下庫監  
官各有任滿轉官減年格指揮不然任人亦合計日推  
賞所有提轄封樁上下庫兼職即是一職而任兩庫之  
重創置之初未審將來合與不合推賞詔令楊恕以兼  
提轄封樁上下庫繫銜任滿與照提轄左藏東西庫例  
推賞八月十一日提轄左藏封樁庫所言監三省樞密  
院門兼提轄封樁上下庫楊恕申近覩戶部申雜買務

監官今後並差文臣如封樁上庫在省門之內監官近  
年多差選人如門官當來格法文武通差多不得其人  
今後只差有舉主選人庶免致武弁雜流踈拙者冒昧  
居之詔封樁庫監門今後並差有舉主選人其已差下  
武臣並令赴尚書省別行陳乞合入差遣

宋會要

寄樁庫

寄樁庫孝宗隆興元年三月二十一日尚書省言左藏  
南庫遇有編估到官物自來下雜賣場出賣係寄樁庫  
收錢赴南庫送納本場為無賞罰不切用心無不曾委  
官致有積壓損壞詔委太府寺丞并差提點所使臣專  
一措置出賣仍令戶部照應雜賣場賞罰格法參酌立

任滿將任內賣到錢比類前官數目中取朝廷指揮每歲比較增虧分數酬賞展降其寄樁庫未曾立定賣罰令照應參酌一體立定本部欲依本寺立定事理施行從之乾道三年閏十月十七日戶部侍郎曾懷言契勘寄樁庫香藥足帛初無監官止差樞密院使臣監視出賣緣係兼管前後交割不明令欲乞將本庫物色就委雜賣場提轄監官出賣別置厝收支其錢依舊赴南庫送納樞密院使臣乞更不差從之 淳熙十一年十月二日詔提領封樁庫所委官司同文思院提轄監官將估到成足綾錦揀選堪好可用數目令寄樁庫出賣其賣到錢並赴封樁庫送納十五年五月十二日詔提領

寄樁庫每月添置支茶湯錢二十貫

宋會要 內衣物庫

內衣物庫在文德殿後掌諸王宗室文武近臣禁軍將校時服給受之事初為衣庫後改令名太平興國二年置受約匹緞庫受綾錦院西川所輸錦鹿胎綾羅絹織成匹緞之物大中祥符元年併入以諸司使副及三班內侍三人監掌庫三十一人太祖開寶三年四月命宗正丞趙孚監衣庫仍鑄印賜之先是左藏庫製造衣服復於本庫收管至是別掌庫掌納真宗大中祥符三年二月詔內衣物庫專副得替攢造未帳不得奏乞酬獎八年九月真宗謂宰臣王旦等曰近提舉庫務臣僚奏

林特言逐處專副動五七人如特為移內衣庫四節衣服只欲速見數目逐節為界其新造出染至於出納各立界分以是差人太多丁謂曰特以緣伏之復處分事多分置主掌意欲速辦兩帝曰此恐未可減省元不給食直錢可第給之仁宗天聖七年十月內衣物庫奉詔賜盧鑑金束帶一條重二十兩鑑拆秤止重十四兩有奇以其事聞詔樞密院指揮點檢推究姦弊別行條約神宗熙寧四年六月詔尚衣庫官物等併入內衣物庫仍改內衣物庫為尚衣庫更據本庫所管御衣駕頭扇箴并應管諸般官物立便般撥赴內衣物庫

宋會要 新 衣庫

在太平坊享受錦衣雜帛衣服及儀注衣物以三班內侍二人監別以司天監官三班二人監門真宗咸平元年三月詔新衣庫支配軍衣服委監庫使逐領印記給散十月詔新衣紬絹錦綺二庫除監門得存燈火外自餘無得停火四年詔新衣庫先置受納衣服庫掌諸司丁匠諸軍服自今併入新衣庫景德二年十一月詔新衣庫納裁造院衣服如小可不對可以相兼支遣亦令納下若大段配破不堪支遣即劾罪施行退付本院仍不得更拆充積尺送官十二月詔新衣庫所造單衣並用小印記造納年月支遣之時須依合支長短尺寸分兩若看出退嫌者將樣赴三司看驗勘斷大中祥符二

年七月改都大新衣庫為新衣庫仁宗天聖七年六月  
詔新衣庫支賜僧道衣服內黃絹寬袖汗衫候見在給  
盡即在造白絹窄袖汗衫支賜神宗熙寧四年五月詔  
廢新衣庫其官物撥赴儀鸞司等處

宋會要

衣庫

嘉祐八年四月大常禮院言皇帝登寶位修製袞龍服  
絳紗袍鎮圭合付尚衣庫與少府監修製仍乞差內臣  
管勾製造從之

宋會要

軍器庫

太宗淳化元年七月詔軍器什物庫支借物色候送納  
時今於納狀內開設年月堪與不堪數目收納如色額



不是元供物即勒陪填即不得私借物與人如違許人  
陳告坐如法慶曆二年十一月以權三司使姚仲孫殿  
前副都指揮使李用和馬軍副都指揮使曹琮並管勾  
制置軍器司四年九月詔定軍器庫據每月合係祇應  
弓弩並仰監官躬親開庫取出當面較定願斗下絃後  
於逐張上各封記書爲願斗字號點檢未縛入庫封閉  
次日亦須親自監開庫門取出便押領入殿祇應即不  
得信縱夾帶不係封下弓弩臨時回換與人施射仍鈐  
轄祇應公人不得令挾試諸班諸軍人員處并就營乞  
乞免錢物仍令軍頭引見司常切覺察每遇南郊支給  
諸班直披帶人鐵甲等候郊禮畢却送本庫送納於南

北作坊差人定驗合行添修數目更不立定拆造名目  
只得添修并量事添修若的然年歲深遠合行拆造委  
本庫監官躬親監勒點檢具合行拆造名件畫時結罪  
申提點所拆造嘉祐四年九月二十一日差內殿丞制  
唐中和計會提舉軍器庫官負并逐庫使臣子細相驗  
見在諸般兵器內如有年深斷絨損拆及不堪施用者  
只就令本庫料坐人等并抽差作坊逐色工匠揀選小  
作料次撥與作坊依例添修所有作坊見今造作旬課  
並且權罷專令忝修舊損兵器早了當五年八月命西  
上閤門使郭諮提舉修完兵器時揀內軍器庫器甲下  
南北作坊繕完而特選官提舉也八年六月二十三日

樞密院言勘會軍器庫所管兵仗萬數浩瀚多不整齊  
及有損壞昨於嘉祐五年中曾差駕部員外郎薛仲孺  
專管排垛揀選修完已及三年累自求罷欲下三司委  
使副選舉員外郎以上知州資序人一員與都大提點  
官員同共管勾從之英宗治平元年正月詔自今內人  
酌獻諸陵假軍器防援者令內侍省以數申樞密院指  
揮支借乘輿出合從器仗關報不及令軍器庫官一員  
押當往還二十六日都大提點內方箭軍器等庫言乞  
下京東京西兩浙江南路州軍打造弓二十萬上京從  
之治平四年正月八日詔都大提點軍器庫所今來所  
支諸處添差巡檢衣甲器械等內除衣甲更不支給外

其餘器械據合夫分数依例支給神宗熙寧元年八月  
詔減罷都大提舉內軍器庫文臣一員是月樞密院言  
監內弓槍庫承制楊安道入內供奉官李孝基等近以  
不職降黜令提舉內軍器庫所別舉官詔今後令樞密  
院差內供奉官仍委入內內侍省選定續詔樞密院於  
前班內臣中選差一員

宋會要

中興

內軍器庫

高宗建炎四年二月十日詔行在軍器衣甲內弓箭南  
內外庫四庫併為一庫以內軍器庫為名除存留衣甲  
庫監官專副手分庫子九人長行二十九人外餘並罷  
內庫子令温州以等仗刺填闕額禁軍七月九日詔內

軍器庫許置庫子長行架子頭通以一百人為額據見  
 關人數內令庫於逐庫舊人內依公選擇曾經入殿祇  
 應慣熟之人充填紹興三年三月二十六日詔內軍器  
 庫監門使臣今後提點所申吏部指差經審量使臣填  
 關不得辭避別求差遣四月十九日詔逐處見管軍器  
 衣甲等今後非奉旨及朝廷指揮取索不得輒擅供報  
 如官吏作匠敢有漏泄數目並流三千里不以赦降原  
 免五月十二日詔軍器什物庫併入內軍器庫從兵部  
 侍郎鄭汝請也五年十二月八日詔內軍器庫監門窠  
 闕依舊法理三年為任永為定制忠翊郎監內軍器  
 庫國狀先蒙都大提點所踏逐指差充監門填闕緣本

庫監門使臣二員係三年為任伏覲吏詔申明應差注  
使臣並替二年成資關又緣本門自來不係吏部使關  
去處故有是九年十二月五日詔內軍器庫前行依條  
遷補副知興監專自來年正月一日立界其副知請給  
止依見請手分則例仍作內軍器庫副知其餘已併六  
庫更不作關遷補都大提點內軍器庫元係軍器衣甲  
弓槍弩劍箭南外內弓箭庫并軍器什物庫共七庫併  
為一庫其未併庫以前遷庫專副共二千餘人昨緣併  
庫日據見到行在人吏存留當時衣甲庫副知有上件  
名關未嘗遷補見管專知官止有一名自紹興三年差  
到至今未嘗陳乞立界故有是命十年十二月二十三

日都大提點內軍器庫言內庫軍器庫狀本庫元係軍器  
七庫逐庫舊管庫兵共一千餘人昨隨從車駕至溫州  
將諸庫併為一庫以內軍器庫為名通以一百人為額  
即今見管人內除十將董外別無部轄人員今來  
本庫省記條內額管人兵共一百四十八人內節級將  
將虞將副都頭指揮使五階級職名部轄止是省記  
到衣甲一庫人額比之往日諸庫人兵大段數少即今  
見行遵執欲乞依上條立定人額階級遇闕依紹興八  
年五月十五日已降指揮招刺依條轉補其副都頭乞  
候三年與轉指揮如節級闕於釐子頭庫子內通逐年  
月最高者充補其節級至指揮使招刺到長行請給口

食錢米依已降指揮支破外衣賜時服並乞衣本庫見  
行省記條法則例支破兼契勘架子頭元額三十人昨  
併庫日止有九人存留在緣應奉關人逐於庫子內選  
差七人相兼祇候其庫子依條例合受納排垛軍器即  
與架子頭應奉執役相妨欲乞於額管長行依條遞遣  
七人充架子頭共作一十六人為額其上件架子頭一  
十六人並止乞依新招前行則例支破請給從之二十  
六年十二月二十日詔內軍器庫存留專知官一名副  
知一名前行一名手分一名外手分一名減罷其減下  
人令本庫出給公據候將來額內有關收補以裁減百  
司吏額也



宋會要

內軍器庫

孝宗乾道五年十二月十二日詔內軍器南庫見管庫屋梁放軍器並各窄隘令兩浙運司於南庫牆外計置疾速脩蓋庫屋梁放軍器六年十一月二十八日內軍器庫言契勘本庫自建炎四年八月軍器七庫併作一庫以軍器庫為名入兵一百四十八人為額如遇逃亡事故依本所元豐令招刺本營子弟填闕目今見闕四十二人先來南北兩庫軍器止有大焙一座今來大焙四座九處看火烘焙弓弩乞將見闕人數招填詔權以一百三十六人為額令招填數額今後遇闕在此七年八月七日都大提點內軍器庫所申乞令脩內司差人

指畫下兩浙轉運司修蓋庫屋梁放軍器從之

宋會要

內弓箭庫

內弓箭庫在橫門外掌御弓矢戎具及細鎧具裝槍旗刀劍斧鉞器械以諸司使副使內侍四人勾當別以三班內侍二人監門領兵校及匠百三十一人軍器五庫並在崇政殿東橫門外掌禁兵器鎧甲供軍什器修待之物及受作坊諸司及諸州造作兵器之成者凡出納之事皆主之以衣甲為一庫弓槍為一庫劍弩箭為一庫以諸司神副使及內侍六人分庫通領又有什物庫在清平坊以三班二人監領淳化二年又置揀選衣甲器械庫在內弓箭庫門內以諸司使副使及內侍二人

監領五庫凡共有兵校四百五十人共供役事真宗景德二年三月詔今後揀選到堪好衣甲器械送弓箭庫軍器庫如有退回者別項收數脩補天中祥符二年六月二十四日詔內弓箭庫日逐祇應弓箭須監官躬親較驗石斗力勝下絃封記出庫即押領入殿不得令人抵換硬軟不等祇應公人不得於揀試軍班處乞錢令軍頭司差人覺察捉搦劾罪仁宗天聖七年四月提奉諸司庫務司言準三司牒檢會少闕黃牛皮貨據皮角庫典并南北作坊弓弩院工匠稱見管黃牛皮萬數不少不以大小蛀虫並堪揀選熟造應副使用見勒逐坊依此施行當司看詳三司為闕少黃牛皮貨住滯下南

北作坊弓弩院旬課造作若令人匠一向將舊管年深  
蛀坤陳次皮貨魚帶供使深慮所製器用不得牢固欲  
望指揮軍器四庫并內弓箭庫自今逐處納到衣甲器  
械並須躬親監勒公人仔細點檢受納須自牢壯及得  
元初尺寸制度經久堪充收管供備不得夾帶納下輕  
怯事數久遠誤失供應從之慶曆二年十一月是月九  
日詔定本庫差內臣二員為監官二年一替遇上番日  
破兩<sub>食</sub>下番日一食每日並親收逐庫鑰匙至晚進入  
內應每有納到金銀裝造物色並南北作坊弓弩院文  
思院鑄鑿監官工匠等姓名斤兩件段數目未得裝釘  
今監釘使臣與內弓箭庫軍器三庫使副及監官使臣

專副就造作處同共秤盛數足即令裝釘釘訖交納英  
宗治平元年五月十八日北都貢外郎提點內弓箭庫  
張勤言乞每遇後殿駕座入殿赴起居從之閏五月  
十二日都大提點內弓箭軍器庫所言乞今後每後殿  
引見射弓弩人等例先進呈弓弩針力從之熙寧二年  
六月二十一日詔令都大提點內弓箭庫將揀到係修  
衣甲槍刀器械等重行編排內多少名件製造精好可  
以添修使用若干名件怯弱不堪添修合行變轉各別  
立庫眼排架件析以聞六年七月十三日詔置內弓箭  
南庫儲御前所修製軍器之所也無別在官提舉八年  
五月十六日都大提舉內弓箭庫軍器等庫所張茂則

言轄下四庫軍器不堪緣逐庫監專只以二年為界方  
欲整齊各又交替乞今後軍器四庫監官以三年為界  
任滿日如出納整齊無弊物色與帳籍無差立并專副  
界滿並許當所保明等第酬獎從

宋會要 軍器庫

建炎元年十一月十八日知濠州連南夫言尚書省劄  
子依黃潛厚所乞下諸路守臣監司各盡臣子之心計  
輕齎金帛差官管押前來行在交納共濟國用今判  
刷到軍資庫見在未起夏稅匹帛官絕七百七十六匹  
紬三千七十九匹續九千匹詔軍資庫物帛既非上供  
額數自合椿留充本州本路軍兵衣賜諸路依此建炎

三年九月十六日詔諸路漕司差官根刷到諸路物錢見於別庫寄收并以後州縣起到錢物並須官依法於軍資庫樁收如違及不經勘旁支給官窺嶺南人吏決配並不以法官赦降原免 紹興十二年三月十六日臣僚言天下財賦所以常不足者侵蠹之者廣也今州縣大抵皆自立名色別置文曆移彼作此蓄為私帑輕費妄用逾越法制莫可稽察雖上供成數猶有關遺其餘失陷漏漫不加省欲乞應州縣諸司所入一金以上盡入軍資庫收掌要使取之於民者悉歸於官官之用悉應於法則雖不加賦而用自足從之紹興二十六年正月二十七日右司員外郎兼權戶部侍郎鍾世明言

諸路州軍錢物並合隸軍資庫近年以來州軍多將拘  
到錢物別置庫眼赤曆拘收以為羨餘之數公庫之用  
乞令逐路轉運司將創置庫眼去處廢罷其錢物撥併  
入軍資庫今後州軍輒敢仍前別置庫眼者以違制論  
仍放罷監司知而不糾者與同罪並許人告從之

宋會要

布庫

布庫在樂坊掌收諸州所納布司其出給舊係左藏庫  
建隆元年移置以京朝官三班二人監又以內侍一人  
監門真宗咸平五年九月詔自今南布綱至京除狀內  
明言漬污損傷數外如不切愛護細虧官錢送納仍等  
第科罪一釐以上答五十三釐以上杖六十五釐以上



杖七十七厘以上杖八十九厘以上杖九十一分以上杖一百網官節級於稍公工下減一等專副減三等三司軍將管押人又減一等景德四年五月詔布庫所管布帛係軍需好布別庫收掌其不任軍須者具病色款印若給衣賜者常約度三二年以來數目有備如少即三司下出產州軍科撥應綱運揀退者監官勒行人定驗堪與不堪轉染科造具數申三司神宗熙寧八年五月二十四日詔布庫自常樂坊移置閤閣門外順城坊五月省司與勘京東路淮揚軍徐州每年起發布共七萬疋上京除三十疋充軍裝外有六萬七千疋充折府界諸縣上三等戶體量和買草兼勘會近準朝旨

白馬管城韋城卽城新鄭五城縣隸府界其添買草數所用布帛數多布庫自米將以前積留布數相添支使今來本庫別無準備布數年額數曰支用不足乞行計度省司今將熙寧六年分支折過布數約度每年除舊數外更合要布五萬疋相添支依人戶欲乞下京東京西路轉運司分認所轄不出產布帛州軍科買每年依數起發上京應副支用從之 十年三月八日詔自來布庫每日將鐵牌請鑰及本庫收鑰却將鐵牌於垂拱殿前總子內進納今後依在外諸軍務例只令本庫官收掌更不於鑰匙庫請納京師在外庫務鎖鑰並內門監官收掌惟布庫相承於大內鑰匙庫請納至是編修

內諸司款式所以為請而罷之

宋會要

有庫

開寶四年正月詔曰諸路州府買撲場院人員訪聞以  
所收課利擅貸於民以規息利有逋欠者取其耕牛家  
資以償或經官司理納追禁科較民甚苦之有令所收  
課利錢旋赴省庫送納不得積留擅將出放違者當除  
籍及決杖配隸告者賞之

庫雜錄

全唐文

宋會要

祇候庫

祇候庫在橫門外掌分受錢帛器皿什物衣服巾帶茶  
菽以備賜與以諸司使副內侍三人監真宗景德二年  
二月詔祇候庫管庫不得裏私借人許人陳告當重置  
之法十月詔祇候庫每賜臣僚服器除搆賜及外國使  
正受外並令將銀據數折走大中祥符六年正月詔  
祇候庫據軍頭司閤門每日御前宣賜及隨駕準備賜  
物外如要準備錢常預約數申三司支撥不得直行撥  
狀取索神宗熙寧元年二月三司言祇候庫近遺失官  
物官吏劾罪緣本庫每日走出物色赴軍頭司閤門等

處準備對御取索支賜全籍監官得力乞減罷內臣一員其監門透漏亦乞下三班院差人衝替從之高宗紹

從提舉司司官新官吏及內侍有差者並行處置

興元年五月五日詔祇候庫專副共一名押司官一名手分三名庫子節級一名庫子五名兵士二名為額從戶部裁減也三年十一月二十九日詔祇候庫人吏自入役充手分至補副知界滿別無不了過犯與先補進義副尉立界再充專知候二年界滿別無諸般不了等事與依使臣法減二年磨勘發遣歸都官孝宗未改元紹興三十二年十月三日禮部太常寺言祇候庫所掌宰執親王使相侍從百官朝祭服冠冕玄衣等伏見已降指揮新除皇子鄧王慶王恭王每遇行事合服朝服

并祭服冠冕乞下文思院製造詳見冠服門隆興元年  
九月一日祇候庫狀見管押司一名手分三人若行裁  
減切慮人吏分頭管幹應奉不前兼依指揮即不及分  
數詔見在人且令依舊將來遇闕更不遞補發填乾  
道四年三月一日詔樞密院逐房副承旨見闕措金帶  
服繫赴赴朝叅等可令祇候庫依條例就賜今後轉至  
人依此取旨給賜九月十九日兵部言勘會大金賀會  
慶聖節使人到闕朝見日依政和五禮新儀黃麾角伏  
一千五十六人乞依紹興十四年已降指揮施行從之  
六年閏五月十四日詔等子出職例物事親從諸班直  
推墜子例物事依例令祇候庫徑申戶部行下所屬製

造排辦施行十二月十三日禮部太常等言已降指揮  
加上先堯壽聖太上皇帝壽聖太上皇后尊號冊寶例  
用儀仗樂正樂工鼓吹樂人合用樂器執色服着法衣  
等乞下祇候庫關借應副施行

宋會要

祇候庫

淳熙四年三月二十四日詔步軍司差廂軍三十六人  
應副祇候庫巡防仍不得充雜役萬差殿前司一十一  
人軍馬司一十五人步軍司一十人後拘收入隊本庫  
申乞差撥上曰不須三衙令步軍司差廂軍可也十三  
年十二月九日詔祇候庫減般擔役使兵士三人防護  
軍兵九人以司農少卿吳燠議減冗食下敕令所裁定

故有是命嘉泰元年三月二十五日太常寺言祇候庫元在糯米倉巷四邊皆是居民屋宇相接更無尺寸空陳去處今因遺漏致被延燒照得城外郊臺相近籍田園祭器庫傍近見有空隙地段丈尺至廣欲將祇候庫就籍田園祭器庫之側起蓋安頓法物委是利便仍乞劄下轉運司照已管認蓋造所有舊祇候庫基地卻乞撥下本府改造卿監郎官廨舍從之

宋會要 禮典 祇候庫

甕器庫在建隆坊掌受明越饒州定州青州白甕器及漆器以給用以京朝官三班內侍二人監庫宋太宗淳化元年七月詔甕器庫納諸州甕器揀出缺鑿數目等



第科罪不及一釐特與除破二釐免決勒陪却給破者  
三釐筭四十四釐筭五十五釐杖六十六釐杖七十七  
釐已上不計多少杖八十 真宗景德四年九月詔  
器庫除揀封樁供進外餘者令本庫將樣赴三司行人  
估價出賣其漆器架閣收管品配供應準備供進及權  
場博易之用 神宗熙寧三年三月詔併苑器庫入雜  
物庫嘗勾事任雜物庫

宋會要 勅修庫

庫在景龍門內之街西掌御馬金玉鞍勒及給賜王公  
群臣外國使并國信羈轡之名物以諸司使副三班副  
內侍二人監兵級及匠四十七人真宗大中祥符四年

正月群牧司言請於崇政殿門外北橫門北擗戟行廊  
屋三間充架閣御鞍庫房從之六年二月詔今後入契  
丹使供新鞍勒接絆止支經借者天禧二年四月內侍  
馬仁俊言奉詔點檢鞍轡庫數內宣賜鞍轡乞留金鍍  
銀鈹具一百兩五副八十兩三十副七十兩麻葉五十  
兩麻葉四十兩寶相花三十兩洛州花各三十副二十  
五兩三鏤十五副二十兩三鏤三十副十五兩二鏤五  
十副十五兩蠻雲子七十副十七兩帶甲二十副白成  
銀鈹具十二兩微窠百五十副十二兩鈇束十五副十  
五兩合口十副二十兩合口三十副十五兩合口五十  
副為額準備賜與外有金鍍銀闌裝二百二十三兩漏

塵寶相花八十一兩各一副金鍍陷銀花二十五兩鳳  
子促結三副中箭櫛三鏤二副頻伽三鏤三十二兩孩  
兒三鏤三十二兩鹿兒三鏤二十一兩各一副陷墨花  
鳳子金解落促結四十一兩十副白成陷墨銀花瑞草  
二十五兩一副二十一兩二副危鶴二十一兩麒麟二  
十三兩各一副鸚鵡三鏤三十三兩一副準備取字其  
餘不合副者並拆剝送納從之仁宗天聖三年三月上  
封者言支賜臣僚及契丹人數等鞍轡造作多不如法  
不堪乘騎蓋是偷減物料罪在監專乞行驅磨仍令陪  
納斷遣詔自今造作鞍轡等須依元初式樣大小如  
法盡料製造及令新鮮牢壯候裝釘子畢於三司呈驗

方得送納神宗熙寧二年二月二十三日三司官言鞍轡庫乞今後支給賜臣僚對衣腰帶鞍轡如請本色者依舊支給本料金銀匹段外其餘隨鞍轡名件物料親視依南郊例並支給價錢願請造成亦聽從之五年九月十二日詳定庫務利害呂嘉問言鞍轡庫自支給料價例直未經裁減工匠虛閑者多今相度除合存留外乞依相度在京諸司庫務利害劉永淵裁定從之九年詔那移鞍轡庫於左驕驥院

宋會要

鞍轡庫

孝宗隆興二年九月十八日詔內鞍轡庫賜侍從鞍轡如闕令文思院造作乾道五年正月八日詔奉使馬鞍製造減裂令

工部約束文思院官今後精微製造六年閏五月十四日詔鞍轡庫應取賜宰執兩府侍從鞍轡訖申明除破及橋管宰執侍從鞍轡內有年遠色暗者申明下文思院修換每遇大禮修換御座鞍轡等申明下軍器所文思院同修換以中書門下省自正左右司言得旨係具三省煩碎不急之務合歸有司者申尚書省至是申上故有是詔

宋會要 庫子

建炎三十一年六月二十九日荆湖北路兵馬鈐轄鼎州駐劄兼權知鼎州魏震言郡縣所收財用窠名不一而出納之謹監專之外實賴庫子庫子入後自有專條

既責其產業又責其保任蓋先慮其失陷然小人慮不  
及遠志意易盈輕視錢貨僅若泥沙已敗之後失陷之  
數於是從而鍛鍊抑勒逐戶填納多至數百緡少至數  
十緡凡有仇讎必被攀糾遂使平民無處控訴今相度  
諸州縣庫子欲以一年為界更替不致深根固蒂公然  
侵欺既以保全庫子之家且免濫及無辜之人從之

中興會要

# 勅修庫

宋高宗建炎三年詔敕修減罷其所管官物庫級併入右驛驛院給與十三年十二月九日詔依舊置四鞍轡庫專一掌管鞍轡等職事今右驛驛院監官兼管就用本院印記兵部裁度條畫一下臨安府就右驛驛院修蓋一下後苑屋三百間充庫屋使用一差置專知官一名踏逐副尉充魚行道本庫文字二年為界所有專知官并本庫見執役庫子一名請給等並乞依本部一般所轄車輅院專知官庫子則例今後如遇專庫有闕除專知官依前項體例施行外有牌子于內外官司指名踏逐抽差不以有無拘礙目下發遣赴庫填闕祇應一下步軍司差攝廂軍兵士十八人專充管巡防分番祇應仍令本庫見執役人員却轄管幹祇應今後過闕依此差填並從之中興會要

庫目次

內藏庫

左藏庫

度支庫

大觀庫

元豐庫

元祐庫

封樁庫

寄樁庫

庫雜錄

法物 南軒家事 奉衣 吏書 甲 祿候 御酒 法酒 油餅 茶

內茶紋 鑲嵌 內香藥 內茶皮 焚器 內衣物 新水 尚衣 布 大軍

軍資 鞋襪 軍器 內軍器庫 內弓箭物料 雜物 皮自場 專訓 者

庫子